



BUPATI BULELENG

**Dharma Wacana Ri Sajroning Upacara Pemelaspas Pasar
Rakyat Desa Giri Emas Kecamatan Sawan**

Nuju Rahina : Selasa, 19 Februari 2019

Dauh : 09.00 Wita.

Magenah : Ring Pasar Rakyat Desa Giri Emas

Om Swastyastu,

Gede Kesuma Putra

- Dane Manggala DPRD Kab. Buleleng sane mustikayang titiang.
- Ida dane para Manggala Praja Wawengkon Pemkab Buleleng sane mustikayang titiang. *⇒ Kadis Perdagangan & Kadis Perhubungan*
- Dane Manggala Kantor Kementrian Agama Kab. Buleleng sane kusumayang titiang. */ Sane Nganggani*
- Dane Manggala Desa Giri Emas sane taler kusumayang titiang.
- Dane Camat Sawan kasarengin sane tresnanin titiang.
- Ida dane Para Uleman, para atiti Pamekas Krama desa sareng sami sane subagia.

Maka purwakaning atur titiang, ngiring sareng sami ngaturang puja pangastuti bhakti majeng ring Ida Sang Hyang Widhi Wasa,

pamekas majeng ring Ida Bhatara sasuhunan sane malingga ring parhyangan druwene iriki, seantukan Ida Asung Kerta Wara Nugraha maicayang kerahajengan miwah kerahayuan, gumanti prasida Ida dane sareng sami iring titiang iriki masadu wadana, ring sajeroning ngamiletin saha ngupasaksi Pamargin Upacara Pemelaspas Pasar Rakyat Desa Giri Emas druwene sane kemargiang ring rahinane subha dewasa sekadi mangkin sane nepek ring rahina Purnama kenem.

Ida dane sareng sami sane kusumayang titiang,

Manawi Ida dane sampun sami tatas pawikan, ri sajeroning ngewangun salwiring wawangunan ring Bali Dwipa Utamania, patut kasungkemin olih krama iriki sinamian kdasar in antuk yadnya sane marupa upacara lan upakara sane manut ring sastra Agama, minekadi sane kaunggahang ring lontar Asta Kosala Kosali miwah Asta Bumi, maka panugrahan Ida Hyang Anala miwah Ida Bhagawan Wiswakarma.

Sewos ring punika pawangunan Pasar Rakyat puniki sane Ida dane wangun, marupa usaha Krama Desa, para Manggala Desa sami ngantos prasida macihna puput becik tur paripurna sane maka piranti anggen genah madolan lan matumbasan ri sajeroning nabdab Desa druwene mangda prasida nemuang kasukertan miwah katreptian Ti Hita Karana pamekas Pawongan nyane.

Antuk punika pinunas lan pangaptian titiang majeng ring Ida dane sareng sami ngiring kawentenan pawangunan pasar Rakyat

puniki upapira, resikin tur anggen sareng sami mangda prasida manggeh becik, asri tur ajeg kayang kawekas, bilih – bilih prasida sayan katincapang tur kaparipurnayan, napi malih titiang cingak kawentenan Desa druwene iriki akeh para panglingsir sane pradnyan , widagda lan pascat ri sajeroning nitenin Desa Pakraman lan Desa Dinas druwene.

Kawentenan arsa utawi pikayunan para panglingsir, para manggala Desa, Para Yowana miwah Para Krama Desa sami sane matunggilan, paras – paros sarpana ya, gilik sagulik janten sampun mrasidayang ngapti Desa druwene trepti, sukerta lan Santhi Jagadhita ngantos kaloktah ring Dura Desa miwah ring manca Negara, pamekas sida maka piranti ngukuhang saha ngarumaketang pasemetonan manyama braya ngupadi keajegan lan katreptian Desa druwene, Jagat Buleleng miwah Bali Dwipa Mandala.

Ida dane sareng sami sane kusumayang titiang,

Inggih wantah asapunika atur pamidartan titiang sane prasida uningayang titiang diwawu, dumogi napi luwir sane uningayang titiang prasida mapikenoh ring sajroning hredaya.

Ngelantur sangkaning asung kerta wara nugraha Ida Hyang Widi Wasa, mogi – mogi upacara – upakara pemelaspas sane kemargiang ring rahinane mangkin sidha labda karya maka sarana Ngupadi santi jagadhita.

Puput Suksma

Om, Çanti, Çanti, Çanti, Om.

BUPATI BULELENG,

Putu AgusSuradnyana, ST